



Na osnovu člana 18. stav 1. tačka b) u vezi sa čl. 12, 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04) i čl. 7. i 30. Zakona o pravima branilaca i članova njihovih porodica ("Službene novine Federacije Bosne i Hercegovine", br. 33/04, 56/05-Ispravka, 70/07 i 9/10) Skupština Kantona Sarajevo, na sjednici održanoj dana \_\_\_\_\_ 2011.godine, donijela je

## PRIJEDLOG

### Z A K O N O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

#### Član 1.

U članu 2.stav 1. Zakona o dopunskim pravima boraca-branitelja Bosne i Hercegovine («Službene novine Kantona Sarajevo», broj 9/07 –Prečišćeni tekst i br. 7/08 i 33/08), iza riječi: "...Službene novine Federacije BiH", br. 33/04 i 56/05 – Ispravka“, dodaju se brojevi :“70/07 i 9/10“.

#### Član 2.

U članu 5. u tački 10. riječi: " i naknade za uređenje građevinskog zemljišta“, brišu se.  
U članu 5. u tački 11. iza riječi: " građevinsko zemljište“, dodaju se riječi: " i naknade za uređenje građevinskog zemljišta“.  
U članu 5. u tački 15. iza riječi: " u vlasništvu“, dodaju se riječi: " ili dodjelu stana na korištenje“.

#### Član 3.

U članu 7. riječi: „Uredbom o obimu prava osiguranih lica na korištenje ortopedskih i drugih pomagala, endoproteza, stomatološko-protetskih nadomjestaka“, zamjenjuju se sa riječima: „Odlukom o proširenom obimu prava na korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo“.

#### Član 4.

U članu 12.stav1. riječi :“za boračka pitanja“, brišu se.

Iza stava 2.dodaje se novi stav 3. koji glasi:

„Način, uvjete i kriterije za ostvarivanje ovog prava utvrđuje Ministar za boračka pitanja posebnim pravilnikom.“

#### Član 5.

U članu 20.stav 1. riječ «ustanove» zamjenjuje se riječju «organizacije».

## **Član 6.**

Iza člana 20. dodaje se novi član 20.a i glasi:

„20.a

U pogledu dopunskih prava koja se odnose na profesionalnu rehabilitaciju , na ratne vojne invalide i mirnodopske vojne invalide primjenjuju se odredbe Zakona o profesionalnoj rehabilitaciji, sposobljavanju i zapošljavanju lica sa invaliditetom Federacije Bosne i Hercegovine ("Službene novine Federacije BiH" broj 9/10).“

## **Član 7.**

U članu 22.stav 1.mjenja se i glasi:

„ Lica iz člana 1. i 2. ovog Zakona ostvaruju pravo na prvenstvo pri zapošljavanju, a pritom prioritet imaju djeca šehida – piginulog branioca.“

## **Član 8.**

U članu 24.dodaje se novi stav 3. i glasi:

„ Djeci šehida i piginulih branioca upisanim na visokoškolske ustanove, kao redovni i samofinansirajući studenti, omogućava se pravo školovanja na teret Budžeta Kantona, kao i prednost prilikom upisa, posebnom odlukom Vlade Kantona .“

Dosadašnji stav 3. postaje stav 4.

## **Član 9.**

U članu 27.stav 1.riječi :"i naknade za uređenje građevinskog zemljišta", brišu se.

## **Član 10.**

U članu 30. stav 1. broj:"26." briše se.

## **Član 11.**

Član 32. mjenja se i glasi:

„Član 32.

Lica iz člana 1.ovog Zakona, pod uvjetom da imaju prijavljeno prebivalište, odnosno boravište na području Kantona, a najkasnije do 06.02.1999.godine i dalje neprekidno, imaju pravo na jednokratnu, dugoročnu, beskamatnu novčanu pozajmicu za rješavanje stambenih potreba, kada prvi put rješavaju svoje stambeno pitanje.“

## **Član 12.**

U čl. 34.,51. i 58. iza riječi:“....Službene novine Federacije BiH“, broj 70/05“, dodaju se brojevi:“61/06 i 9/10“.

## **Član 13.**

Podnaslovi:“ 10.11. i 15.“, mijenjaju se i glase:

- „ 10.Oslobađanje obaveze plaćanja naknade za pogodnosti
- 11. Oslobađanje obaveze plaćanja naknade za dodjeljeno gradsko građevinsko zemljište i naknade za uređenje građevinskog zemljišta.
- 15. Pravo na stan u vlasništvu ili dodjelu stana na korištenje“.

## **Član 14.**

U članu 39.stav 1. mjenja se i glasi:

„Pod uvjetom da nemaju riješeno stambeno pitanje, te da imaju prijavljeno prebivalište, odnosno boravište na području Kantona, a najkasnije do 06.02.1999.godine i dalje neprekidno, ratni vojni invalidi I grupe i ratni vojni invalidi koji su radno nesposobni po osnovu rane, povrede ili bolesti zadobijene za vrijeme službe u Oružanim snagama R BiH, kao i djeca šehida-poginulog borcabranitelja i umrlog ratnog vojnog invalida, koja su bez oba roditelja, imaju pravo na odgovarajući stan.“

Dodaje se novi stav 2., koji glasi:

„Odgovarajućim stanom smatra se stan koji se dodjeljuje u vlasništvo i stan koji se dodjeljuje na korištenje, u skladu s uslovima propisanim ovim zakonom.“

Dosadašnji stavovi 2.,3. i 4., postaju stavovi 3.,4. i 5.

## **Član 15.**

Iza člana 39.dodaje novi član 39.a i glasi:

### **„ Član 39a.**

Lica koja ispunjavaju uvjete iz člana 39. ovog zakona imaju pravo da , ukoliko traže da im se riješi stambeno pitanje odmah po podnošenju zahtjeva za dodjelu stana u vlasništvo odnosno preko utvrđenog reda prvenstva, mogu svoje stambeno pitanje riješiti dodjelom stana na korištenje iz stambenog fonda čiji je vlasnik Kanton Sarajevo.

Lica iz stava 1. ovog člana koja se svojom voljom opredjele da stambeno pitanje riješe dodjelom stana na korištenje gube pravo na stan u vlasništvo i brišu se sa liste za dodjelu stana u vlasništvo.

Stan na korištenje dodjeljuje se korisniku do njegove smrti ugovorom o korištenju stana ili sve dok na drugi način neriješi svoje stambeno pitanje.

Članovi porodičnog domaćinstva korisnika stana iz stava 3. ovog člana, koji su živjeli s njim u momentu dodjele stana na korištenje, mogu nastaviti koristiti stan doživotno, odnosno kraće ukoliko ranije na drugi način riješe svoje stambeno pitanje.“

### **Član 16.**

Član 42. mijenja se i glasi:

„O priznanju prava iz čl.39.,39a., 40.,40a. i 41.,odlučuje Komisija za dodjelu stana u vlasništvo ili na korištenje, a po prigovoru na odluke ove komisije rješava Ministarstvo.

Ministar za boračka pitanja posebnim pravilnikom utvrđuje način, uvjete i kriterije prvenstva za ostvarivanje prava na stan u vlasništvo ili dodjelu stana na korištenje, rokove za podnošenje prigovora, dinamiku izgradnje i dodjelu stana u vlasništvo ili dodjelu stana na korištenje i druga pitanja od značaja za realizaciju ovih prava.“

### **Član 17.**

U članu 46. dodaje se novi stav 2. i glasi:

„ Članovi porodice odnosno lice koje je snosilo troškove sahrane-dženaze organizatoru otpora, veteranu – prvoborcu, dobrovoljcu, kao i dobitniku ratnog priznanja i odlikovanja, a za koje je u skladu sa ovim zakonom obezbjeđeno ukopno mjesto, pravo na naknadu troškova sahrane-dženaze ostvaruju u visini dvije neto prosječne plaće zaposlenih u Federaciji BiH iz prethodne godine.“

U stavu 3. riječi :“ 6 (šest) mjeseci“ zamjenju se sa riječima : „jedne godine“.

Dosadašnji stavovi 2.i 3., postaju stavovi 3.i 4.

### **Član 18.**

U članu 48.dodaje se novi stav 2. i glasi:

„Licima iz stava 1.ovog člana obezbjeđuje se i ukupno mjesto u „Aleji veterana“ na groblju Vlakovo, pod uvjetom i na način propisan posebnim pravilnikom koji donosi Ministar za boračka pitanja.“

Dosadašnji stav 2., postaje stav 3.

### **Član 19.**

U članu 60.stavu1.tačka 1.iza riječi: „vanrednog „, dodaju se riječi: „ i paralelnog samofinansirajućeg“.

### **Član 20.**

U članu 64.stav1.iza broja „26.,“ dodaje se brojevi: „27.,28., 30..“.

### **Član 21.**

U članu 67.stav 1. iza riječi: "Prestanak svojstva", dodaju se riječi : "borca-branitelja BiH,".

### **Član 22.**

Iza člana 73.dodaje se član 73.a i glasi:

#### **„Član 73.a**

„Lica iz člana 1. ovog zakona kojima su dodijeljene novčane pozajmice za otvaranje radnih mjesta i novčane pozajmice za rješavanje stambenih potreba, a nisu uredno izvršili povrat dodjeljenih sredstava ili neizvršavaju redovno preuzete obaveze vraćanja dodjeljenih sredstava, do izmirenja svojih obaveza po ovom osnovu ne mogu ostvariti prava propisana ovim zakonom, izuzev prava na zdravstvenu zaštitu.“

### **Član 23.**

Ovlašćuje se Zakonodavno-pravna komisija Skupštine Kantona Sarajevo da utvrdi prečišćen tekst ovog zakona.

### **Član 24.**

Ovaj zakon stupa na snagu osmog dana od dana objavljivanja u "Službenim novinama Kantona Sarajevo.

Predsjedavajuća  
Skupštine Kantona Sarajevo

Prof.dr. Mirjana Malić

Broj:  
Sarajevo,

## **OBRAZLOŽENJE**

### **I – PRAVNI OSNOV**

Pravni osnov za donošenje Zakona o izmjenama i dopunama Zakona o dopunskim pravima boraca-branitelja Bosne i Hercegovine sadržan je u odredbama člana 18. stav 1. tačka b) u vezi sa čl. 12, 13. i 14. Ustava Kantona Sarajevo («Službene novine Kantona Sarajevo», br. 1/96, 2/96, 3/96, 16/97, 14/00, 4/01 i 28/04), te odredbama čl. 7. i 30. Zakona o pravima branilaca i članova njihovih porodica («Službene novine Federacije Bosne i Hercegovine», br. 33/04, 56/05-Ispravka, 70/07 i 9/10).

### **II – RAZLOZI ZA DONOŠENJE**

Odredbama Zakona o dopunskim pravima boraca – branitelja Bosne i Hercegovine („Službene novine Kantona Sarajevo“ broj 9/07-Prečišćen tekst, 7/08 i 33/08) u dijelu koji se odnosi na pravo na dodjelu stana u vlasništvo ratnim vojnim invalidima I grupe, ratnim vojnim invalidima radno nesposobnim po osnovu rane, povrede ili bolesti zadobijene za vrijeme službe u Oružanim snagama R BiH, djeci šehida-poginulih borca-branitelja i umrlog ratnog vojnog invalida bez oba roditelja, roditelja šehida-poginulih borca-branitelja, kao i nezaposlenim suprugama šehida-poginulih borca-branitelja, mlađih od 45 godina života, koje ostvaruju porodičnu invalidninu, uočena je potreba pružanja alternativnih rješanja kako bi se spriječio nastanak štetnih posljedica na imovinu i imovinske interese Kantona Sarajevo, te se iz tog razloga pristupilo izmjeni i dopuni važećeg zakona po HITNOM postupku (član 153. Poslovnika Skupštine Kantona Sarajevo). Alternativno rješenje koje nudi ovaj Prijedlog je da korisnici prava na dodjelu stana u vlasništvo mogu da se opredjele da uzmu stan na trajno korištenje. Ovo zakonsko rješenje ponuđeno je iz razloga što su napr. roditelji šehida osobe starije životne dobi, te smo imali slučajeva da nastupi smrt korisnika prije ili neposredno nakon useljenja u stan. Također dosta je zaprimljenih zahtjeva za korištenje prava preče kupnje od strane ovog ministarstva za stanove koji su već dodjeljeni u vlasništvo. Ponuđeno zakonsko rješenje omogućava onima koji se opredjele za trajno korištenje stana koji ostaje u vlasništvu Kantona Sarajevo da nečekaju na listi već da usele odmah.

Ostale izmjene i dopune zakona podstaknute su uočenim nedostacima u primjeni istog, te se ovim prijedlogom nude bolja rješenja.

### **III – USKLAĐENOST SA LEGISLATIVOM EVROPSKE UNIJE**

Ministarstvo pravde i uprave Kantona Sarajevo izjasnilo se da tekst Prijedloga ovog zakona je usaglašen sa Konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda i Evropskom socijalnom poveljom – Pravo na stanovanje.

#### **IV – OBJAŠNJENJE PRAVNIH RJEŠENJA SADRŽANIH U ZAKONU**

Članom 1.dodaju se brojevi službenih listova važećeg federalnog propisa iz ove oblasti (član 2.stav1).

Članom 2.u članu 5. u nazivi prava usaglašeni su sa izmjenama pojedinih odredaba.

Članom 3. mijenja se naziv uredbe iz člana 7.važećeg zakona i u isti se ubacuje aktuelni naziv uredbe kojim se reguliše obim prava osiguranih lica na ortopedska pomagala.

Članom 4.u članu 12.stav 1. važećeg zakona ispravlja se tehnička greška i dodaje se novi stav 3.kojim se propisuje da će ministar za boračka pitanja posebnim pravilnikom utvrditi način,uvjete i kriterije za ostvarivanje prava na banjsko-klimatsko lijeчењe.

Članom 5. riječi „ustanove“ zamjenjuju se riječima „organizacije“.

Članom 6.dodaje se novi stav u članu 20. koji se reguliše da se na ratne vojne invalide i mirnodopske vojne invalide primjenjuje odredbe Zakona o profesionalnoj rehabilitaciji, osposobljavanju i zapošljavanju lica sa invaliditetom Federacije Bosne i Hercegovine („Službene novine FederacijeBiH“ broj 9/10).

Članom 7.mjenja se stav 1.člana 22. i utvrđuje se prednost boračke populacije sa posebnim prioritetom djeci šehida – poginulog branioca.

Članom 8. mjenja dodaje se novi stav u članu 24. kojim se propisuje pravo školovanja studentima djeci šehida – poginulog branioca na teret budžeta i prednost za upis odlukom Vlade.

Članom 9. i 10. ispravljaju se ranije učinjene tehničke greške u važećem zakonu.

U članu 11. mjenja se član 32. važećeg zakona i propisuje se ostvarivanje prava na jednokratna bespovratna sredstva u građevinskom materijalu, sredstva za izvođenje građevinskih radova i pružanje građevinskih usluga i udruživanje sredstava za kupovinu stana za rješavanje stambenog pitanja boračke populacije. Ovo pravo predpostavlja prebivalište, odnosno boravište korisnika prava i na dan 14.12.1995.godine, na području Kantona Sarajevo, te da korisnik prava nije ostvarivao status raseljenog lica, izuzev interno raseljenih. Navedeni uvjeti su postavljeni iz razloga što smo na stanovištu „povratak svi na svoje“, kao jednog o postulata Anexa 7 Dejtonskog sporazuma. Takođe je to bio jedan od načina da se spriječi „interesna migracija“ stanovništva, a u cilju rješavanja stambenog pitanja u Kantonu Sarajevo. Ovaj projekat provodi se kontinuirano od 2003.godine i postoji izuzetan interes boračke populacije za navedena prava.

Predloženom izmjenom se usklađuje datum prebivališta, odnosno boravišta na području Kantona Sarajevo sa drugim pravima po ovom zakonu tj. „a najkasnije do 06.02.1999. godine. i dalje neprekidno“.

Članom 12. dodaju se brojevi službenih listova važećeg federalnog propisa iz ove oblasti (član 34., 51. i 58.)

Članom 13. usaglašenu su nazivi poglavlja sa tekstrom izmjena.

Članom 14. propisano je da članom 39. Zakona o dopunskim pravima boraca – branitelja Bosne i Hercegovine da pod uvjetom da nemaju riješeno stambeno pitanje, te da imaju prijavljeno prebivalište, odnosno boravište na području Kantona, a najkasnije do 06.02.1999. godine i dalje neprekidno, ratni vojni invalidi I grupe i ratni vojni invalidi koji su radno nesposobni po osnovu rane, povrede ili bolesti zadobijene za vrijeme službe u Oružanim snagama R BiH, kao i djeca šehida-poginulog borca-branitelja i umrlog ratnog vojnog invalida, koja su bez oba roditelja, imaju pravo na odgovarajući stan.

U članu 39.dodaje se novi stav 2 koji definira šta se smatra odgovarajućim stanom za dodjelu u vlasništvo i korištenje.

Članom 15.dodaje se novi član 39a. gdje je regulisano da lica koja ispunjavaju uvjete iz člana 39. ovog zakona imaju pravo da ukoliko traže da im se riješi stambeno pitanje odmah po podnošenju zahtjeva za dodjelu stana u vlasništvo odnosno preko utvrđenog reda prvenstva mogu svoje stambeno pitanje riješiti dodjelom stana na korištenje iz stambenog fonda čiji je vlasnik Kanton Sarajevo.Odnosno da lica koja se svojom voljom opredjele da stambeno pitanje riješi dodjelom stana na korištenje gube pravo na stan u vlasništvo ili se skidaju se sa liste za dodjelu stana u vlasništvo. Nadalje se reguliše da se stan na korištenje dodjeljuje korisniku do njegove smrti, a članovi njegovog porodičnog domaćinstva koji su zajedno sa korisnikom uživali ovo pravo, mogu nastaviti koristiti stan doživotno, odnosno sve dok na drugi način neriješe svoje stambeno pitanje.

Članom 16. mjenja se član 42. važećeg zakona i utvrđuje da u prvom stepenu Odlučivanje o ostvarivanju prava vrši Komisija za dodjelu stana u vlasništvo ili na korištenje a da po prigovoru odlučuje ministar. Nadalje se utvrđuje da će Ministar za boračka pitanja posebnim pravilnikom utvrditi način, uvjete i kriterije prvenstva za ostvarivanje prava na stan u vlasništvo ili dodjelu stana na korištenje, rokove za podnošenje prigovora, dinamiku izgradnje i dodjelu stana u vlasništvo ili dodjelu stana na korištenje i druga pitanja od značaja za realizaciju ovih prava.

Članom 17. u članu 46. dodaje se novi stav 2. kojim se za lica kojima je u skladu sa ovim zakonom obezbijedeno ukopno mjesto smanjuje naknada za troškove sahrane – dženaze sa dosadašnje tri prosječne neto plaće zaposlenih u FBiH iz prethodne godine na visinu od dvije prosječne plaće.U stavu 3.mjenja se rok za pokretanje postupka za ostvarivanje prava na troškove dženaze-sahrane za pripadnike boračke populacije sa šest mjeseci na jednu godinu, obzirom na ustanovljenu praksu kroz primjenu važećih odredaba zakona.

Članom 18. dodaje se novi stav 2.u članu 48. važećeg zakona kojim se propisuje pravo na obezbjeđenje ukupnog mjesta u Aleji veterana na groblju Vlakovo o čemu će posebni propis donijeti ministar.

U članu 19. propisano je da se u članu 60. uvodi se i paralelan-samofinansirajući studij, jer kada je važeći zakon donijet pojam paralelan-samofinansirajući studij nije bio poznat kao oblik studiranja, a u skladu sa pravilima visokoškolskih ustanova isti je uveden, te iz toga je nastala potreba da se ovaj oblik studiranja obuhvati ovim zakonom.

Članom 20. u članu 64.stav 1. iza broja „26“ dodaju se brojevi „27.,28. i 30.“, a gdje je utvrđeno da se o priznavanju prava rješenja donosi općinski načelnik, te se u prvostepeno odlučivanje uvrštava i pravo na oslobođenje obaveze plaćanja naknade za pogodnost i naknade za uređenje građevinskog zemljišta (član 27., 28. i 30.)

Članom 21. u članu 67.stav 1.u kategorije kojim može nastati prestanak svojstva uvrštavaju se i borci-branitelji BiH jer obzirom na reviziju učešća u OSRBiH koji provodi federalno ministarstvo može doći do prestanka i tog svojstva.

Članom 22. dodaje se novi član 73a. kojim se reguliše da lica kojima su dodijeljene novčane pozajmice za otvaranje radnih mjesta i novčane pozajmice za rješavanje stambenih potreba, a nisu uredno izvršili povrat istih, do izmirenja svojih obaveza po ovom osnovu ne mogu ostvariti prava propisana ovim zakonom, izuzev prava na zdravstvenu zaštitu. Na taj način se onemogućava korištenje prava po ovom zakonu licima koja nevraćaju odobrene pozajmice i tako nanose štetu budžetu.

Članom 23. ovlašćuje se Zakonodavno-pravna komisija Skupštine Kantona sarajevo da utvrdi prečišćen tekst ovog zakona.

Članom 24. određuje se datum stupanja na snagu ovog zakona.

## **FINANSIJSKA SREDSTVA**

Predlaže se da Skupština Kantona Sarajevo prijedlog zakona doneće po hitnom postupku iz razloga da se utvrđena prava mogu implementirati jer su novčana sredstva za ista utvrđena u Budžetu za 2011. godinu.

## **PRILOZI:**

1. Izvod iz Zakona o pravima branilaca i članova njihovih porodica („Službene novine Federacije BiH“, br.33/04, 56/05, 70/07 i 9/10)
2. Zakon o dopunskim pravima boraca-branitelja Bosne i Hercegovine („Službene novine Kantona Sarajevo“, br.9/07-Prečišćeni tekst, 7/08 i 33/08).



Broj: 09-02-26521/11  
Sarajevo, 19.10.2011. godine

**KANTON SARAJEVO**  
**MINISTARSTVO ZA BORAČKA PITANJA**

**PREDMET: Stručno mišljenje na prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst), Ured za zakonodavstvo Vlade Kantona Sarajevo, daje slijedeće

**M I Š L J E N J E**

1. Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine uskladen je s odredbama ustava i odrebama Zakona o pravima branilaca i članova njihovih porodica („Službene novine Federacije Bosne i Hercegovine“, br. 33/04, 56/05-Ispravka, 70/07 i 9/10).

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst), te se isti može razmatrati na jednoj od narednih sjednica Vlade Kantona Sarajevo.

Dostaviti:  
1. Naslovu  
2. Evidencija  
3. Arhiva



SEKRETAR

Amra Lubović, dipl.pravnik



web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: + 387 (0) 33 560-448  
Sarajevo, Hamida Dizdara 1





Broj: 03-02-26524/11.  
Sarajevo, 19.10.2011. godine

*Sen M. Bošković*  
*M. M.*

**MINISTARSTVO ZA BORAČKA PITANJA  
KANTONA SARAJEVO**

**PREDMET: Mišljenje o usklađenosti Prijedloga Zakona o izmjenama i dopunama Zakona o dopunskim pravima boraca-branitelja Bosne i Hercegovine sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda i drugim međunarodnim dokumentima kojima su regulisana ljudska prava i osnove slobode**

U skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 7/08, 16/08-Ispravka i 14/10) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 21/11 – Novi prečišćeni tekst), Ministarstvo pravde i uprave razmotrilo je Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine i daje slijedeće

**KONAČNO MIŠLJENJE**

S obzirom da je predlagач Prijedloga Zakona o izmjenama i dopunama Zakona o dopunskim pravima boraca-branitelja Bosne i Hercegovine prihvatio mišljenje ovog ministarstva, dato 10.10.2011. godine, o potrebi usklađivanja člana 39a stav (4) u dijelu kojim se ograničava period korištenja stana od strane članova porodičnog domaćinstva korisnika stana na period "najduže 10 godina" sa odredbama člana 31. Evropske socijalne povelje – Pravo na stanovanje, kao i člana 18. Konvencije o zaštiti ljudskih prava i osnovnih sloboda, kao i usklađivanje sa članom 13. Konvencije o zaštiti ljudskih prava i osnovnih sloboda – Pravo na djelotvoran pravni lijek čime je propisano pravo dvostepenosti, odnosno pravo na žalbu, smatramo da Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine nije u suprotnosti sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

DOSTAVLJENO  
1. Naslovu  
2. Arhiva

**MINISTARICA**

*Dijana Tabori*



web: <http://mpu.ks.gov.ba>

e-mail: [pravda@ks.gov.ba](mailto:pravda@ks.gov.ba)

Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševica 1



Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo finansija



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Finance

34PC

Broj: 08-03-02-26523  
Sarajevo, 06.10.2011.godine


**MINISTARSTVO ZA BORAČKA PITANJA  
O V D J E**

**PREDMET:** Mišljenje  
Veza: Vaš broj: 06-02-2407/11 od 03.10.2011.godine

Zakon o izmjenama i dopunama Zakona o dopunskim pravima boraca-branitelja Bosne i Hercegovine nije u suprotnosti s finansijskim propisima.

Za primjenu ovog Zakona planirana su sredstva u Budžetu Kantona Sarajevo za 2011.godinu, te nisu potrebna dodatna sredstva.

S poštovanjem,



web: <http://mf.ks.gov.ba>  
e-mail: [min.finansija@ks.gov.ba](mailto:min.finansija@ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62



**Skupština Kantona  
Zakonodavno-pravna komisija**

Na osnovu člana 31. Zakona o izmjenama i dopunama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 17/06) i člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst), Zakonodavno-pravna komisija Skupštine Kantona Sarajevo na sjednici održanoj 22. marta 2007. utvrdila je Prečišćeni tekst Zakona o dopunskim pravima boraca-branitelja Bosne i Hercegovine.

Prečišćeni tekst Zakona o dopunskim pravima boraca-branitelja Bosne i Hercegovine obuhvata: Zakon o dopunskim pravima boraca-branitelja Bosne i Hercegovine ("Službene novine Kantona Sarajevo", broj 2/02), Zakona o izmjenama i dopunama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 28/03), Zakona o izmjenama i dopunama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 15/05), Zakona o izmjenama i dopunama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 22/05) i Zakon o izmjenama i dopunama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 17/06) u kojim je naznačen dan stupanja na snagu tih zakona.

---

Broj 01-05-4750-1/07  
22. marta 2007. godine  
Sarajevo

---

Predsjedavajući  
Zakonodavno-pravne komisije  
Esad Hrvačić, s. r.

**ZAKON**

**O DOPUNSKIM PRAVIMA BORACA - BRANITELJA BOSNE I HERCEGOVINE  
(PREČIŠĆENI TEKST)**

**I. OSNOVNE ODREDBE**

**Član 1.**

Ovim Zakonom se uređuju prava, uvjeti i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih umrlih i nestalih branjoca, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branjoca kao lica zaslužnih u odbrambeno-oslobodilačkom ratu sa područja Kantona Sarajevo (u daljem tekstu: Kanton), a u skladu sa raspoloživim budžetskim sredstvima.

**Član 2.**

Pod pojmom:

- porodica šehida i porodica poginulog, umrlog, nestalog branjoca,
- branilac,
- dobrovoljac i organizator otpora,
- veteran,
- učesnik rata,
- ratni vojni invalid,
- mirnodopski vojni invalid,
- dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja,

smatraju se lica koja su definisana čl. 2, 3. i 4. Zakona o pravima branilaca i članova njihovih porodica ("Službene novine Federacije BiH", br. 33/04 i 56/05-Ispravka), (u dalnjem tekstu: federalni zakon).

Pod pojmom članova porodice šehida i porodica pогinulog, umrlog, nestalog branioca i umrlog ratnog vojnog invalida smatraju se lica definisana članom 17. federalnog zakona.

Pod pojmom zajedničko domaćinstvo smatra se zajednica stanovanja, privredivanja i trošenja ostvarenih prihoda.

Pod pojmom dobitnika ratnih priznanja i odlikovanja i članova porodica pогinulih, umrlih i nestalih dobitnika ratnog priznanja i odlikovanja smatraju se lica koja su definisana članom 1. i 2. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05).

Pod pojmom ratni vojni zarobljenik smatra se branilac koji je vršeći vojnu dužnost zarobljen od strane agresora na Republiku Bosnu i Hercegovinu.

### Član 3.

Pojmovi utvrđeni u prethodnom članu i svim ostalim odredbama Zakona gdje se spominju u različitim padajućima zamjenjuju se riječima u odgovarajućem padajućem.

Sve imenice koje se odnose na nosioce pojedinih prava, upotrijebljene u ovom Zakonu samo u muškom ili samo u ženskom rodu, odnose se na oba spola.

### Član 4.

Sa borcima - braniteljima, u smislu ovog Zakona, izjednačeni su u pravima učesnici narodnooslobodilačkog antifašističkog rata 1941.-1945. godine, čiji je status utvrđen rješenjem nadležnog organa.

## II. PRAVA

### Član 5.

Lica iz člana 1. ovog Zakona imaju, prema načinu i obimu utvrđenim ovim Zakonom, sljedeća prava:

1. Zdravstvena zaštita;
2. Banjsko i klimatsko liječenje (medicinska rehabilitacija);
3. Naknada putnih troškova i troškova za liječenje u inostranstvu;
4. Prava po osnovu preostale radne sposobnosti;
5. Prioritet u zapošljavanju;
6. Novčana pozajmica za otvaranje radnih mјesta;
7. Prvenstvo upisa u obrazovne ustanove i besplatno školovanje;
8. Stipendiranje;
9. Uklanjanje arhitektonsko-urbanističkih barijera za ulazak i korištenje stana u invalidskim kolicima;
10. Oslobođanje obaveze plaćanja naknade za pogodnost i naknade za uređenje građevinskog zemljišta;
11. Oslobođanje obaveze plaćanja naknade za dodijeljeno gradsko građevinsko zemljište;
12. Pravo na izgradnju stana;
13. Novčana pozajmica i dodjela sredstava za rješavanje stambenih potreba;
14. Dodjela sredstava za održivi povratak;

15. Pravo na stan u vlasništvu;
16. Besplatna i povlaštena vožnja;
17. Naknada troškova dženaze - sahrane;
18. Podizanje nišana - nadgrobnog spomenika;
19. Pravo na mjesecna novčana primanja;
20. Novčana naknada za vrijeme nezaposlenosti;
21. Prednost pri zakupu i otkupu poslovnog prostora pod jednakim uvjetima;
22. Pravo na besplatne obavezne udžbenike za redovno školovanje, školski pribor i užinu;
23. Prednost pri smještaju u dačke i studentske domove;
24. Prednost pri korištenju programa nadležnih zavoda za zapošljavanje;
25. Prioritetno pravo za rješavanje stambenog pitanja pod jednakim uvjetima;
26. Pravo na besplatni priključak na infrastrukturne mreže (voda, električna energija, gas);
27. Pravo na dodjelu jednokratne novčane pomoći;
28. Pravo dobitnika ratnih priznanja ili odlikovanja na obavljanje o smrti putem javnih medija, organiziranje ukop-sahrane uz državne počasti i pravo na ukopno mjesto na lokacijama zaslužnih ličnosti;
29. Pravo na obezbjedenje ogrjeva.

## 1. Zdravstvena zaštita

### Član 6.

Lica iz člana 1. ovog Zakona, ukoliko ne mogu ostvariti status osiguranog lica po propisima iz oblasti zdravstva, ostvaruju to pravo po ovom Zakonu.

U slučajevima iz prethodnog stava obveznik uplate doprinosa za zdravstveno osiguranje je Ministarstvo za boračka pitanja Kantona (u dalnjem tekstu: Ministarstvo).

### Član 7.

Prošireni obim prava na zdravstvenu zaštitu za ratne vojne invalide propisan je Uredbom o obimu prava osiguranih lica na korištenje ortopedskih i drugih pomagala, endoproteza, stomatološko-protetske pomoći i stomatološko-protetskih nadmjestaka ("Službene novine Kantona Sarajevo", br. 13/04 i 11/06).

### Član 8.

Ratni vojni invalidi, članovi šehidske porodice - porodice poginulog branitelja i umrlog ratnog vojnog invalida, kao i članovi uže porodice ratnog vojnog invalida oslobađaju se od obaveze ličnog učešća osiguranih lica u troškovima korištenja zdravstvene zaštite i snošenju troškova liječenja na teritoriji Kantona.

## 2. Banjsko i klimatsko liječenje (medicinska rehabilitacija)

### Član 9.

Lica iz člana 1. ovog Zakona, pod uvjetima propisanim ovim Zakonom, imaju pravo na banjsko i klimatsko liječenje (medicinsku rehabilitaciju).

## Član 10.

Banjsko i klimatsko liječenje, prema ovom Zakonu, podrazumijeva liječenje koje je neophodno kao nastavak liječenja od zadobivene rane, povrede, ozljede ili bolesti koje su propisane kao indikacije za to liječenje, a koje se obavlja u specijalizovanim zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje obavlja pretežno prirodnim faktorom, kao i u ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor.

## Član 11.

O potrebi za banjskim i klimatskim liječenjem, na osnovu zahtjeva lica iz člana 1. ovog Zakona i upute ljekara specijaliste, odlučuje ljekarska komisija koju imenuje ministar za boračka pitanja.

Izuzetno od odredbe prethodnog stava, ratni vojni invalid-paraplegičar, zajedno sa pratiocem, ima pravo na banjsko i klimatsko liječenje jedanput godišnje u trajanju od 21 dan, bez obzira na medicinski nalaz.

## Član 12.

Ministarstvo za boračka pitanja zaključuje ugovore o banjskom i klimatskom liječenju sa ustanovama i privrednim društvima iz člana 10. ovog Zakona.

Ugovorima iz prethodnog stava naročito se utvrđuje obim i kvalitet zdravstvenih i drugih usluga koje te ustanove i privredna društva pružaju korisnicima, cijene tih usluga i druga međusobna prava i obaveze.

### 3. Naknada putnih troškova i troškova za liječenje u inostranstvu

## Član 13.

Ostvarivanje prava na naknadu troškova liječenja u inostranstvu ostvaruje se u skladu sa članom 27. stav 3. federalnog zakona.

Pored lica utvrđenih članom 27. stav 3. federalnog zakona, pravo na naknadu troškova liječenja u inostranstvu mogu ostvariti roditelji i bračni drug šehida, poginulog, umrlog i nestalog branioca i dobitnici ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja.

Ministar za boračka pitanja propisuje kriterije za ostvarivanje prava iz prethodnog stava.

## Član 14.

Pravo na naknadu troškova prijevoza za odlazak na liječenje i povratak po završetku liječenja kao i naknadu troškova smještaja do 10 dana, a ukoliko to liječenje nije moguće obaviti u Bosni i Hercegovini ostvaruju lica iz člana 13. ovog Zakona.

Ukoliko je lice iz prethodnog stava korisnik prava na dodatak za njegu i pomoć od drugog lica ima pravo na naknadu troškova prijevoza i boravka za lice koje sa njim putuje u pratnji.

## Član 15.

O nemogućnosti liječenja u Bosni i Hercegovini, potvrdu izdaje ljekarski konzilij Kliničkog centra Univerziteta u Sarajevu.

### 4. Prava po osnovu preostale radne sposobnosti

## Član 16.

Nezaposleni ratni vojni invalid, koji je zadobio ranu, povedu, ozljedu ili bolest po osnovu koje mu je priznat status ratnog vojnog invalida, na osnovu preostale radne sposobnosti ima pravo na profesionalnu rehabilitaciju, uključujući i školovanje za obavljanje poslova za koje se traži viša stručna spremu od one koju vojni invalid ima, ako prema općem obrazovanju, godinama života, zdravstvenom stanju i drugim okolnostima ima uvjete za uspješnu rehabilitaciju.

## Član 17.

Profesionalnom rehabilitacijom obezbjeđuje se sposobljavanje za vršenje ranijeg ili drugog odgovarajućeg zanimanja,

stručno osposobljavanje za vršenje određenog zanimanja i stručno usavršavanje.

#### Član 18.

Pravo na profesionalnu rehabilitaciju, po zahtjevu ratnog vojnog invalida, utvrđuje se na osnovu nalaza, ocjene i mišljenja komisije stručne ustanove za ocjenjivanje radne sposobnosti, u skladu sa propisima iz oblasti penzijsko-invalidskog osiguranja.

Komisija iz prethodnog stava dužna je u roku od 30 dana od dana prijema zahtjeva izvršiti ocjenu radne sposobnosti i o tome u dalnjem roku od 8 dana pismeno izvjestiti ratnog vojnog invalida i općinsku službu za upravu nadležnu za boračko-invalidsku zaštitu (u dalnjem tekstu: općinska služba) u čijoj se službenoj evidenciji vodi ratni vojni invalid.

#### Član 19.

Općinska služba je dužna uputiti ratnog vojnog invalida na profesionalnu rehabilitaciju najkasnije u roku od 30 dana od dana sticanja prava na profesionalnu rehabilitaciju.

#### Član 20.

Kantonalni organi uprave i kantonalne upravne ustanove, Grad Sarajevo, općine sa područja Kantona (u dalnjem tekstu: općina), kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su primiti na profesionalnu rehabilitaciju ratnog vojnog invalida kojeg uputi Ministarstvo za boračka pitanja na prijedlog općinske službe.

Subjekti iz prethodnog stava će svojim općim aktima urediti prava, obaveze i odgovornosti za ostvarivanje ovog prava.

#### Član 21.

Način ostvarivanja prava po osnovu preostale radne sposobnosti propisuje se posebnim pravilnikom koji donosi ministar za boračka pitanja.

#### 5. Prioritet u zapošljavanju

#### Član 22.

Lica iz člana 1. ovog Zakona ostvaruju pravo na prioritetno zapošljavanje, pod uvjetima i na način predviđen aktivnom politikom zapošljavanja utvrđenom propisima Kantona.

Kantonalni organi uprave i kantonalne upravne ustanove, Grad Sarajevo, općine, kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su prilikom prijema u radni odnos obezbijediti prioritet licima iz člana 1. ovog Zakona, kao i članovima uže porodice ratnog vojnog invalida.

#### 6. Novčana pozajmica za otvaranje radnih mjesta

#### Član 23.

Za otvaranje radnih mjesta, kojim bi pitanje zaposlenja riješila lica iz člana 1. ovog Zakona, kao i članova njihove uže porodice, mogu se dodijeliti novčane pozajmice i krediti.

Vlada Kantona će posebnim propisom utvrditi način i uvjete za odobravanje pozajmica iz prethodnog stava.

#### 7. Prvenstvo upisa u obrazovne ustanove i besplatno školovanje

#### Član 24.

Pod jednakim uvjetima utvrđenim posebnim propisima, lica iz člana 1. ovog Zakona, kao i njihova djeca, imaju pravo na prvenstvo upisa i besplatno školovanje u obrazovnim ustanovama čiji je osnivač ili suosnivač Kanton ili Grad Sarajevo ili općina.

Lica iz člana 1. ovog Zakona imaju pravo na besplatno doškolovanje, odnosno prekvalifikaciju radi sticanja neophodnog stepena obrazovanja koje im je potrebno radi obavljanja određenih poslova, a isto nije u mogućnosti da obavlja poslove na koje je bilo raspoređeno prije nastanka invalidnosti.

~~JU DAK TUMPOLOZNO PROJEKATI IZVJEŠTAJ~~

Obrazovne ustanove iz prethodnog stava će svojim pravilima ili drugim aktima utvrditi način i uvjete za korištenje ovog prava.

#### **8. Stipendiranje**

##### **Član 25.**

Lica iz člana 1. ovog Zakona, kao i njihova djeca, imaju pravo na dodjelu stipendije za vrijeme redovnog školovanja i studija u srednjoškolskim i visokoškolskim obrazovnim ustanovama.

Vlada Kantona će posebnim propisom utvrditi način i uvjete za ostvarivanje prava iz prethodnog stava.

#### **9. Uklanjanje arhitektonsko - urbanističkih barijera za ulazak i korištenje stana u invalidskim kolicima**

##### **Član 26.**

Ratni vojni invalid I grupe, koji nije sposoban za kretanje bez invalidskih kolica, ima pravo na uklanjanje arhitektonsko - urbanističkih barijera za prilaz i ulazak u stambenu zgradu u kojoj stanuje, kao i za korištenje stana.

Pravo iz prethodnog stava može se ostvariti jednokratno, i to samo ako se radi o stambenoj jedinici sa riješenim svim imovinsko - pravnim odnosima.

#### **10. Oslobađanje obaveze plaćanja naknade za pogodnost i naknade za uređenje građevinskog zemljišta**

##### **Član 27.**

Lica iz člana 1. ovog Zakona oslobađaju se obaveze plaćanja naknade za pogodnosti i naknade za uređenje građevinskog zemljišta za izgradnju porodične stambene zgrade za vlastite potrebe netto građevinske površine do  $200\text{ m}^2$  kada prvi put rješavaju svoje stambeno pitanje, pod uvjetom da snose eventualne troškove rješavanja imovinsko-pravnih odnosa koji nisu izmireni i o svom trošku izvrše opremanje građevinskog zemljišta prema uvjetima iz građevne dozvole pod nadzorom nadležne općinske službe za upravu.

Odredbe prethodnog stava odnose se i na dogradnju, nadzidivanje, preuređenje krovišta i potkrovila, pretvaranje zajedničkih prostorija i rekonstrukciju kojom se povećava dotadašnja površina do  $100\text{ m}^2$  netto građevinske površine.

##### **Član 28.**

Lica iz člana 1. ovog Zakona oslobađaju se obaveze plaćanja naknade za pogodnosti i naknade za uređenje građevinskog zemljišta za izgradnju poslovног prostora netto građevinske površine do  $100\text{ m}^2$ .

#### **11. Oslobađanje obaveze plaćanja naknade za dodijeljeno gradsko građevinsko zemljište**

##### **Član 29.**

Lica iz člana 1. ovog Zakona oslobađaju se obaveze plaćanja naknade za dodijeljeno gradsko građevinsko zemljište površine do  $400\text{ m}^2$  na kome pravo raspolažanja ima Kanton ili Grad Sarajevo ili općina, za izgradnju porodične stambene zgrade za vlastite potrebe, kada prvi put rješavaju svoje stambeno pitanje, odnosno površine do  $150\text{ m}^2$  za izgradnju poslovног prostora.

Lokacije gradskog građevinskog zemljišta na kome pravo raspolažanja ima Kanton ili Grad Sarajevo ili općina za koja se lica iz člana 1. ovog Zakona oslobađaju obaveze plaćanja naknade za dodijeljeno gradsko građevinsko zemljište, oglašavat će se, obavezno, putem sredstava javnog informisanja, do kraja mjeseca marta tekuće godine.

##### **Član 30.**

Licima iz čl. 1. i 2. ovog Zakona, izuzev mirnodopskih vojnih invalida, dio troškova za nastale obaveze iz čl. 26., 27., i 28. ovog Zakona za novu gradnju snosi Ministarstvo i općine, prema odobrenim budžetskim sredstvima i hronologiji podnijetih zahtjeva i to na slijedeći način:

1. Za izgradnju objekata individualnog stanovanja u površini do  $200\text{ m}^2$  i kupovinu stana u novoizgradenim zgradama kolektivnog stanovanja u površini od  $20\text{ m}^2$  po jednom članu domaćinstva, a najviše do  $100\text{ m}^2$  netto građevinske površine

stana, troškove naknade za pogodnosti građevinskog zemljišta-renta snosi Ministarstvo.

Općine svojom Odlukom o građevinskom zemljištu, a shodno odobrenim budžetskim sredstvima, svake kalendarske godine mogu utvrditi iznos subvencije za podmirenje troškova naknade za pogodnosti građevinskog zemljišta.

2. Za izgradnju objekata individualnog stanovanja i kupovinu stana u novoizgrađenim objektima kolektivnog stanovanja, dio ukupnih troškova uredenja građevinskog zemljišta snosi Ministarstvo.

Pod snošenjem dijela ukupnih troškova uredenja građevinskog zemljišta podrazumijeva se vrijednost od 20% utvrđene visine građevinske vrijednosti  $m^2$  netto stambene površine iz člana 66. Zakona o građevinskom zemljištu ("Službene novine Federacije BiH", broj 25/03) i to do površine do  $20m^2$  po svakom članu porodičnog domaćinstva, a najviše do  $100m^2$  netto građevinske površine objekta individualnog stanovanja ili stana u objektu kolektivnog stanovanja.

Pod kolektivnim stanovanjem podrazumijeva se kolektivna izgradnja koja se realizira putem "Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe" i ostale pravne subjekte koje grade na lokacijama koje su općinskim odlukama predvidene za kolektivnu izgradnju za boračku populaciju.

3. Općine svojom Odlukom o građevinskom zemljištu mogu predvidjeti mogućnost oslobođanja lica iz čl. 1.i 2. ovog Zakona od obaveze plaćanja naknade za dodijeljeno gradsko građevinsko zemljište.

## **12. Pravo na izgradnju stana**

### **Član 31.**

Lica iz člana 1. ovog Zakona imaju pravo na izgradnju stana putem Fonda Kantona Sarajevo osnovanog za rješavanje stambenih potreba za članove porodica šehida i poginulih boraca, ratne vojne invalide i demobilizirane borce i prognana lica, prema načinu i uvjetima utvrđenim od strane Vlade Kantona.

## **13. Novčana pozajmica i dodjela sredstava za rješavanje stambenih potreba**

### **Član 32.**

Lica iz člana 1. ovog Zakona, pod uvjetom da su prebivalište, odnosno boravište na području Kantona imala i na dan potpisivanja "Općeg okvirnog sporazuma za mir u Bosni i Hercegovini" (14.12.1995. godine), imaju pravo na jednokratnu, dugoročnu, beskamatnu novčanu pozajmicu za rješavanje stambenih potreba, kada prvi put rješavaju svoje stambeno pitanje.

### **Član 33.**

Pravo iz prethodnog člana nemaju lica koja imaju ili su imala status raseljenog lica, izuzev interno raseljenih lica.

### **Član 34.**

Za rješavanje stambenih potreba dodjeljuju se i jednokratna bespovratna sredstva u građevinskom materijalu, sredstva za izvođenje građevinskih radova i pružanje građevinskih usluga i udruživanje sredstava za kupovinu stana licima iz čl. 1. i 2. ovog Zakona, pod uvjetima propisanim u čl. 32. i 33. ovog Zakona.

Sredstva iz prethodnog stava mogu se dodijeliti do 1/3 najvećeg propisanog iznosa za novčanu pozajmicu za rješavanje stambenih potreba, osim za dobitnike ratnih priznanja i odlikovanja i članova porodica poginulih, umrlih i nestalih dobitnika ratnih priznanja i odlikovanja iz člana 5. stav 3. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05) kojima se ova sredstva dodjeljuju do 2/3 najvećeg propisanog iznosa za novčanu pozajmicu za rješavanje stambenih potreba, prilikom ostvarivanja prava za udruživanje sredstava za kupovinu stana.

### **Član 35.**

Vlada Kantona će posebnim propisom urediti kriterije za prvenstvo korištenja prava, namjenu i visinu novčane pozajmice i vremenski period za njeno vraćanje, način realizacije i sredstva obezbjedenja povrata, postupak i uvjeti pod kojima se novčana pozajmica za rješavanje stambenih potreba odobrava, kao i ostala pitanja od značaja za ostvarivanje tog prava.

Propisom iz prethodnog stava utvrdit će se i vrsta, namjena, visina, postupak i uvjeti za dodjelu sredstava za rješavanje

stambenim potreba, kao i ostala pitanja od znacaja za ostvarivanje tog prava.

#### **14. Dodjela sredstava za održivi povratak**

##### **Član 36.**

Lica iz čl. 1. i 2. ovog Zakona, koja su ostvarila povratak u mjestu u kojima su imali prebivalište odnosno boravište prije početka agresije na Republiku Bosnu i Hercegovinu u svrhu obezbjedenja uvjeta za održivi povratak u istom, imaju pravo na jednokratnu dodjelu sredstava za održivi povratak, pod uvjetom da su prebivalište, odnosno boravište na području Kantona imali i na dan 06.02.1999.godine, a u skladu sa raspoloživim budžetskim sredstvima.

##### **Član 37.**

Pravo iz prethodnog člana nemaju lica koja su na području Kantona riješila svoje stambeno pitanje.

##### **Član 38.**

Vlada Kantona će posebnim propisom urediti vrstu i visinu sredstava iz člana 36. ovog Zakona, kriterije za prvenstvo korištenja prava, način realizacije, postupak i uvjete pod kojima se sredstva za održivi povratak dodjeljuju, kao i ostala pitanja od značaja za ostvarivanje prava.

#### **15. Pravo na stan u vlasništvu**

##### **Član 39.**

Pod uvjetom da nemaju riješeno stambeno pitanje, te da prebivalište, odnosno boravište na području Kantona imaju neprekidno od 06.02.1999.godine ratni vojni invalidi I grupe i ratni vojni invalidi koji su radno nesposobni po osnovu rane, povrede ili bolesti zadobijene za vrijeme službe u Oružanim snagama R BiH, kao i djeca šehida-poginulog borca-branitelja i umrlog ratnog vojnog invalida, koja su bez oba roditelja, imaju pravo na odgovarajući stan u vlasništvu na području Kantona.

Pod uvjetima iz stava 1. ovog člana pravo na stan u vlasništvu mogu ostvariti i roditelji šehida - poginulih boraca - branitelja.

Pod uvjetom iz stava 1. ovog člana pravo na stan u vlasništvu imaju i nezaposlene supruge šehida-poginulog borca-branitelja, mlade od 45 godina života, koje ostvaruju pravo na porodičnu invalidinu.

##### **Član 40.**

Ratni vojni invalidi I grupe i ratni vojni invalidi koji su radno nesposobni po osnovu ranjavanja ili ozljedivanja za vrijeme službe u Oružanim snagama RBiH, kao i djeca šehida- poginulog borca-branitelja i umrlog ratnog vojnog invalida, koja su bez oba roditelja, čije je stambeno pitanje riješeno na način koji ne zadovoljava njihove potrebe, ostvaruju pravo iz prethodnog člana pod uvjetom da stan kojim raspolažu stave na raspolaganje Kantonu.

##### **Član 41.**

Pravo iz člana 39. ovog Zakona gube ona lica koja bez opravdanog razloga odbiju ponuđeni odgovarajući stan.

##### **Član 42.**

Ministar za boračka pitanja će posebnim pravilnikom urediti način, uvjete i kriterije prvenstva za ostvarivanje prava, te dinamiku izgradnje i dodjele stanova u vlasništvo.

#### **16. Besplatna i povlaštena vožnja**

##### **Član 43.**

Ratni vojni invalid i član porodice šehida i porodice poginulog, umrlog, nestalog branioca, dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja imaju pravo na besplatnu vožnju u javnom gradskom saobraćaju na području Kantona, ako to pravo ne mogu ostvariti po drugom osnovu.

Pored ratnog vojnog invalida koji je korisnik prava na dodatak za njegu i pomoć od strane drugog lica, pravo na besplatnu vožnju ima i lice koje mu tu njegu i pomoć pruža.

Lica iz čl. 1. i 2. ovog Zakona, imaju pravo na besplatnu vožnju do banjskog i klimatskog lječilišta iz čl. 10. i 11. ovog Zakona, kada je tamo upućen od strane Ministarstva.

#### Član 44.

Ministarstvo snosi troškove prijevoza lica iz prethodnog člana po cijeni koju utvrđi Vlada Kantona.

Zahtjev za ostvarivanje ovog prava podnosi se općinskoj službi.

Općinska služba dostavlja spisak korisnika ovog prava Javnom preduzeću za gradski prijevoz na osnovu kojeg se izdaju odgovarajući kuponi.

Izgled kupona, period izdavanja i važnosti kupona i način realizacije pobliže se reguliše ugovorom između Ministarstva i Kantonalnog javnog komunalnog preduzeća "Gradski saobraćaj" Sarajevo."

#### Član 45.

Pravo na povlaštenu vožnju u javnom gradskom saobraćaju na području Kantona imaju branici, ako ovo pravo ne mogu ostvariti po drugom osnovu, a prema raspoloživim budžetskim sredstvima.

Visinu povlastice za ostvarivanje prava iz stava 1. ovog člana, utvrđuje Vlada Kantona na prijedlog Ministarstva.

Zahtjev za ostvarivanje prava podnosi se općinskoj službi, a način, uvjete i kriterije za ostvarivanje ovog prava utvrđuje ministar posebnim pravilnikom.

#### 17. Naknada troškova dženaze - sahrane

#### Član 46.

Članovi porodice odnosno lice koje je snosilo troškove sahrane - dženaze lica iz čl. 1. i 2. ovog Zakona, ima pravo na naknadu troškova dženaze-sahrane u visini od tri prosječne neto plaće zaposlenih u Federaciji BiH iz prethodne godine, te u opravdanim slučajevima i stvarne troškove prijevoza u druga područja Bosne i Hercegovine.

Izuzetno, pravo iz stava 1. ovog člana, mogu ostvariti i lica koja snose troškove dženaze-sahrane za djecu šehida, poginulih, umrlih i nestalih branilaca, bez obzira da li ostvaruju pravo na porodičnu invalidinu u skladu sa federalnim zakonom.

Postupak za priznavanje prava iz stava 1. ovog člana se može pokrenuti najdalje u roku od 6 (šest) mjeseci od dana smrti lica.

#### 18. Podizanje nišana - nadgrobnog spomenika

#### Član 47.

Svim pripadnicima Oružanih snaga RBiH koji su poginuli ili umrli u toku agresije na Republiku Bosnu i Hercegovinu u periodu od 18.09.1991. do 22.04.1996. godine i ukopani na području Kantona, Kanton će podići nišane - nadgrobne spomenike, u skladu sa idejnim rješenjem jedinstvenog nadgrobnog spomenika - nišana za šehide - poginule borce - branitelje, te obezbijediti trajnu zaštitu i održavanje putem Fonda Kantona Sarajevo za izgradnju i očuvanje memorijalnih centara i spomen obilježja žrtava genocida (u dalnjem tekstu: Fond memorijala).

Izuzetno, mogu se podići nišani-nadgrobni spomenici i za pripadnike Oružanih snaga R BiH iz prethodnog stava koji su ukopani izvan područja Kantona, a prema raspoloživim novčanim sredstvima.

Članovi porodice poginulih branitelja iz stava 1. ovog člana, koji svojim sredstvima izvrše podizanje nišana-nadgrobnih spomenika imaju pravo na naknadu troškova u visini i po dinamici koju utvrđi Fond memorijala, u skladu sa finansijskim sredstvima.

#### Član 48.

Organizatorima otpora, veterana-prvoborcima, dobrovoljcima, kao i dobitnicima ratnih priznanja i odlikovanja Kanton putem Fonda memorijala, podiže nišane-nadgrobne spomenike nakon njihove smrti, u skladu sa usvojenim tipiziranim idejnim rješenjem od strane Fonda memorijala.

Roditeljima šehida i poginulih, umrlih i nestalih branioca, kojima je poginulo jedino dijete ili imaju jedno ili više djece koja su nesposobna za privredovanje, Ministarstvo putem Fonda memorijala, snosi troškove izrade i postavljanja nišana- nadgrobog spomenika do visine sredstava utvrđenih za lica iz stava 1. ovog člana.

#### **19. Pravo na mjesecna novčana primanja**

##### **Član 49.**

Pod uvjetom da su prebivalište, odnosno boravište na području Kantona imali i na dan 06. 02. 1999.god, dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja i ratni vojni invalidi kojima je priznato pravo na dodatak za njegu i pomoć od drugog lica imaju pravo na mjesecna novčana primanja.

Pravo iz prethodnog stava ima i nosilac "Partizanske spomenice 1941.", pod uvjetom da je u periodu agresije 1992.-1995.god, imao neprekidno boravište-prebivalište na području Kantona.

Osnovica za utvrđivanje iznosa mjesecnog novčanog primanja iz stava 1. ovog člana je prosječna neto plaća ostvarena u Kantonu u prethodnoj kalendarskoj godini.

Visinu procenta osnovice mjesecnih novčanih primanja iz stava 1. ovog člana, utvrđuje svake budžetske godine Vlada Kantona na prijedlog ministra Ministarstva za boračka pitanja, a u skladu sa raspoloživim budžetskim sredstvima.

##### **Član 50.**

Dobitnici ratnih priznanja i odlikovanja koji su ujedno i ratni vojni invalidi kojima je priznato pravo na dodatak za njegu i pomoć od drugog lica, pravo na mjesecna novčana primanja ostvaruju samo po jednom osnovu.

##### **Član 51.**

Pravo na mjesecna novčana primanja ostvaruju i članovi porodice poginulog, umrlog i nestalog dobitnika ratnog priznanja i odlikovanja u skladu sa stavom 2. i 3. člana 2. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05).

##### **Član 52.**

Pravo na mjesecna novčana primanja imaju djeca šehida-poginulog borca-branitelja bez oba roditelja za vrijeme nezaposlenosti do zasnivanja radnog odnosa.

Ovo pravo ostvaruje se najduže do dvije godine nakon završetka redovnog školovanja, u skladu sa članom 37. tačaka 3. federalnog zakona i pod uvjetima iz člana 49. ovog Zakona.

#### **20. Novčana naknada za vrijeme nezaposlenosti**

##### **Član 53.**

Novčana naknada za vrijeme nezaposlenosti za lica iz člana 1. i 2. ovog Zakona, ostvaruje se u skladu sa propisima o posredovanju u zapošljavanju i socijalnoj sigurnosti nezaposlenih lica.

#### **21. Prednost pri zakupu i otkupu poslovnog prostora pod jednakim uvjetima**

##### **Član 54.**

Organizatori otpora, nosioci najviših ratnih priznanja i šehidske porodice - porodice poginulog borca - branitelja i umrlog ratnog vojnog invalida i ratnog vojnog invalida, imaju prednost pri zakupu i otkupu jednog poslovnog prostora u vlasništvu Kantona, Grada Sarajeva ili općine.

#### **22. Pravo na besplatne obavezne udžbenike za redovno školovanje, školski pribor i užinu**

##### **Član 55.**

Djeci lica iz člana 2. ovog Zakona, koja pohađaju osnovnu školu, obezbijediti će se novčana pomoć za nabavku obaveznih udžbenika putem Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava

rata - "IKRE" (u daljem tekstu: Fond "IKRE").

Pravo na besplatan školski pribor i užinu imaju lica iz stava 1. ovog člana pod uvjetima i na način utvrđenim kriterijima kao i raspoloživim sredstvima Fonda "IKRE".

### **23. Prednost pri smještaju u dačke i studentske domove**

#### **Član 56.**

Dački i studentski domovi kojima je osnivač Kanton dužni su svojim aktima propisati da prioritet za smještaj u ove ustanove imaju lica iz člana 1. i 2. ovog Zakona kao i njihova djeca.

### **24. Prednost pri korištenju programa nadležnih zavoda za zapošljavanje**

#### **Član 57.**

Javna ustanova Služba za zapošljavanje Kantona Sarajevo dužna je svojim aktima propisati da prednost pri korištenju programa zapošljavanje imaju lica iz čl. 1. i 2. ovog Zakona.

### **25. Prioritetno pravo za rješavanje stambenog pitanja pod jednakim uvjetima**

#### **Član 58.**

Prilikom rješavanja stambenog pitanja lica iz čl. 1. i 2. ovog Zakona, imaju pravo na prioritetno rješavanje stambenog pitanja pod jednakim uvjetima.

Prioritet iz stava 1. ovog člana lica ostvaruju u svim pravnim subjektima, kada je riječ o rješavanju stambenog pitanja, a prema pravu prvenstva propisanom članom 29. stav 2. federalnog zakona i članom 3. stav 1. tačka 10. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05).

### **26. Pravo na besplatni priključak na infrastrukturne mreže (voda, električna energija, gas)**

#### **Član 59.**

Pravo na besplatni priključak na infrastrukturne mreže (voda, električna energija, gas) imaju lica iz čl. 1. i 2. ovog Zakona, pod uvjetom da stambeno pitanje rješavaju prvi put i da stambeni objekat posjeduje elektro-energetsku saglasnost, odnosno adekvatnu saglasnost drugih javnih preduzeća.

Lica iz čl. 1. i 2. ovog Zakona, imaju pravo da stambeni objekat besplatno priključe na vodovodnu i kanalizacionu mrežu, monofazni priključak (dužine kabla do 50m) na elektro-distributivnu mrežu i gasovodnu mrežu pod uvjetima iz stava 1. ovog člana.

### **27. Pravo na dodjelu jednokratne novčane pomoći**

#### **Član 60.**

Pravo na dodjelu jednokratne novčane pomoći, u izuzetnim slučajevima, mogu ostvariti lica iz čl. 1. i 2. ovog Zakona, u vidu:

1. plaćanja troškova vanrednog školovanja,
2. dodjele prehrabnenih i higijenskih artikala,
3. dodjele novčanih sredstava za rješavanje socijalnih potreba i
4. plaćanje troškova stana.

Ministar za boračka pitanja posebnim pravilnikom uređuje način, uvjete, kriterije, postupak i opravdanost zahtjeva za ostvarivanje prava na dodjelu jednokratne novčane pomoći.

### **28. Pravo dobitnika ratnih priznanja ili odlikovanja na obavještavanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti**

**Član 61.**

Pravo na obavljanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti ostvaruju dobitnici ratnih priznanja ili odlikovanja u skladu sa posebnim propisom koji donosi Vlada Kantona.

**29. Pravo na obezbjedenje ogrjeva****Član 62.**

Lica iz čl. 1. i 2. ovog Zakona imaju pravo na obezbjedenje ogrjeva.

Ministar za boračka pitanja posebnim pravilnikom uređuje način, uvjete, kriterije i postupak za ostvarivanje prava na obezbjedenje ogrjeva.

**III. POSTUPAK ZA PRIZNAVANJE PRAVA****Član 63.**

Poslovi upravnog rješavanja u prvom stepenu o pravima i obavezama iz ovog Zakona prenose se na općinske načelnike.

**Član 64.**

O priznavanju prava iz čl. 6., 16., 26., 43., 44., 45., 46., 49., 51., 52., i 53. ovog Zakona rješenje donosi općinski načelnik.

U drugostepenom upravnom postupku o pravima iz ovog Zakona rješava Ministarstvo.

**Član 65.**

Općinske službe vode službenu evidenciju o korisnicima prava po ovom Zakonu.

**IV. OSTVARIVANJE I PRESTANAK PRAVA****Član 66.**

Prava utvrđena ovim Zakonom mogu se koristiti dok postoje propisani uvjeti za korištenje tih prava i ne mogu se nasljedivati, niti prenositi na druga lica.

U slučaju smrti borca - branitelja BiH i ratnog vojnog invalida, prava po ovom Zakonu nastavljaju koristiti članovi njegove uže porodice (bračni drug, djeca do navršenih 18 godina života, odnosno 25. godina života ako se nalaze na redovnom školovanju).

**Član 67.**

Prestanak svojstva ratnog vojnog invalida ili člana šehidske porodice-porodice poginulog borca i porodice umrlog ratnog vojnog invalida (korisnika prava na ličnu, odnosno porodičnu invalidinu) u skladu sa važećim federalnim propisima, povlači i prestanak prava utvrđenih ovim Zakonom, ukoliko su ta prava ostvarena na osnovu tog svojstva.

U slučaju odjave prebivališta ili boravišta sa područja Kantona, odnosno prijave prebivališta ili boravišta na drugom području unutar Bosne i Hercegovine, lica iz člana 1. ovog Zakona nastavljaju koristiti prava po ovom Zakonu, sve dok ta prava ne mogu ostvariti po propisima koji važe na području njihovog novog prebivališta.

**Član 68.**

Korisnik prava po ovom Zakonu dužan je prijaviti svaku promjenu koja povlači izmjenu ili prestanak prava utvrđenih ovim Zakonom u roku od 15 dana od nastanka promjene.

**V. SREDSTVA ZA FINANSIRANJE PRAVA****Član 69.**

Sredstva za finansiranje prava utvrđenih ovim Zakonom obezbeđuju se iz budžeta Kantona i općina.

## VI. NADZOR

### Član 70.

Nadzor nad sprovođenjem ovog Zakona vrši Ministarstvo za boračka pitanja.

## VII. PRIJELAZNE I ZAVRŠNE ODREDBE

### Član 71.

U roku od 3 mjeseca od dana stupanja na snagu ovog Zakona Vlada Kantona i ministar za boračka pitanja donijet će akte iz svoje nadležnosti predviđene ovim Zakonom.

### Član 72.

U roku od 30 dana od dana stupanja na snagu ovog Zakona općinske službe će donijeti rješenja o priznavanju prava, ukoliko ispunjavaju uvjete iz člana 6. ovog Zakona, za ratne vojne invalide i članove šehidske porodice-porodice poginulog borca-branitelja i porodice umrlog ratnog vojnog invalida, kojima je pravo na zdravstvenu zaštitu bilo priznato u skladu sa federalnim propisom.

### Član 73.

Ratni vojni invalidi kojima je do stupanja na snagu ovog Zakona posredstvom državnih organa izvršeno uklanjanje arhitektonsko-urbanističkih barijera za ulazak i korištenje stana u invalidskim kolicima, smatraju se da su iskoristili pravo iz člana 26. ovog Zakona.

### Član 74.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo", a odredbe iz člana 39. stav 3., člana 45. i člana 52. ovog Zakona primjenjuju se od 31.03.2007. godine.

broj 1/96, 2/96, 3/96, 16/97, 14/00, 4/01 i 28/04) i čl. 7. i 30. Zakona o pravima branilaca i članova njihovih porodica ("Službene novine Federacije BiH", broj 33/04, 56/05 - Ispravka i 70/07), Skupština Kantona Sarajevo, na sjednici održanoj 28. februara 2008. godine, donijela je

## ZAKON

### O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

#### Član 1.

U Zakonu o dopunskim pravima boraca-branitelja Bosne i Hercegovine ("Službene novine Kantona Sarajevo", broj 9/07-Prečišćeni tekst) član 29. se mijenja i glasi:

#### "Član 29.

Za lica iz čl.1 i 2. ovog Zakona, Ministarstvo snosi troškove plaćanja naknade za dodijeljeno gradsko građevinsko zemljište na kojem pravo raspolažanja ima Kanton, Grad Sarajevo ili općina, te građevinsko zemljište kupljeno na slobodnom tržištu od fizičkih ili pravnih lica u svrhu izgradnje individualnog stambenog objekta za vlastite potrebe, površine do 400m<sup>2</sup>, pod uvjetima iz čl. 32. i 33. ovog Zakona.

Za građevinsko zemljišta kupljeno na slobodnom tržištu iz stava 1. ovog člana, Ministarstvo snosi troškove plaćanja do visine utvrđene cijene gradskog građevinskog zemljišta na području općine na kojem se nalazi.

Vlada Kantona posebnim aktom uređuje kriterije za prvenstvo korištenja ovog prava, način realizacije, postupak i uvjete pod kojima se sredstva za kupovinu građevinskog zemljišta za izgradnju individualnih stambenih objekata odobravaju, kao i ostala pitanja od značaja za ostvarivanje ovog prava."

#### Član 2.

U članu 39. dodaje se stav 4. koji glasi:

"Ukoliko lica iz stava 3. ovog člana raskinu radni odnos svojom voljom u periodu od 1. 4. 2007. godine do podnošenja zahtjeva za dodjelu stana u vlasništvo ili zasnuju radni odnos na neodređeno vrijeme u periodu od priznavanja prava na stan u vlasništvo do dana upisa vlasništva dodijelenog stana kod nadležnog suda, dužna su izvršiti povrat sredstava koje je Ministarstvo platilo za kupnju predmetnog stana, na način i pod uvjetima propisanim za ostvarivanje prava na jednokratnu, dugoročnu, beskamatnu novčanu pozajmicu."

#### Član 3.

Iza člana 40. dodaje se član 40.a koji glasi:

#### "Član 40.a

Lica iz člana 39. ovog Zakona, kojima je dodijeljen stan u vlasništvo, u slučaju namjere prodaje dodijelenog stana imaju obavezu isti ponuditi u korist i za račun Ministarstva, Fondu za izgradnju stanova za članove porodica šehida i poginulih boraca, ratne vojne invalide i demobilizirane borce Kantona Sarajevo, odnosno drugom pravnom subjektu koji gradi na lokacijama za kolektivnu izgradnju za boračku populaciju, od kojeg je izvršena kupovina stana za potrebe korisnika u skladu sa ovim Zakonom.

Period za navedenu obavezu iz stava 1. ovog člana je deset godina od dana upisa prava vlasništva na dodijelenom stanu, po cijeni koja ne može biti veća od vrijednosti koju je Ministarstvo snosilo za kupovinu stana, računajući po zvaničnom kursu KM u odnosu na euro.

Pravo preće kupnje iz stava 1. iz ovog člana, upisuje se prilikom upisa vlasništva dodijeljene stambene jedinice."

#### Član 4.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-6292/08  
28. februara 2008. godine  
Sarajevo

---

Predsjedavajući  
Skupštine Kantona Sarajevo

broj 1/96, 2/96, 3/96, 16/97, 14/00, 4/01 i 28/04) i čl. 7. i 30. Zakona o pravima branilaca i članova njihovih porodica ("Službene novine Federacije BiH", broj 33/04, 56/05-Ispravka i 70/07), Skupština Kantona Sarajevo, na sjednici održanoj 8. oktobra 2008. godine, donijela je

## ZAKON

### O IZMJENI ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

#### Član 1.

U Zakonu o dopunskim pravima boraca-branitelja Bosne i Hercegovine ("Službene novine Kantona Sarajevo", broj 9/07-Prečišćeni tekst i 7/08) u članu 34. stav 2. riječi:

"iz člana 5. stav 3." zamjenjuju se riječima: "iz člana 2.".

#### Član 2.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

## ZAKON

### O PRAVIMA BRANILACA I ČLANOVA NJIHOVIH PORODICA

#### I - OSNOVNE ODREDBE

##### Član 1.

Ovim Zakonom uređuju se: uvjeti, način i postupak za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branilaca (u daljem tekstu: porodice druga pitanja iz oblasti branilačko-invalidske zaštite).

Pojam šehid ili pojam poginuli branilac, u smislu ovog Zakona, koristi se po slobodnom izboru korisnika prava.

##### Član 2.

Braniocem, u smislu ovog Zakona, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (u daljem tekstu: Oružane snage) koji je učestvovao u odbrani Bosne i Hercegovine (početak agresije na općinu Ravno) od 18.09.1991. do 23.12. 1996. godine, odnosno do prestanka pripremi za odbranu i u odbrani Bosne i Hercegovine u periodu prije 18.09.1991. godine a koje je angažirano od nadležnih organa.

Pod učešćem u odbrani Bosne i Hercegovine u smislu stava 1. ovog člana podrazumijeva se učešće u oružanom otporu i djelovanje u direktnoj vezi sa pružanjem otpora.

Dobrovoljcem i organizatorom otpora, u smislu ovog Zakona, smatra se pripadnik vojnih jedinica koji je učestvovao u pripremi za odbranu i u odbrani Bosne i Hercegovine u periodu do 19.06.1992. godine, kao i drugo lice koje nije bilo ranije demobiliziran od nadležnog vojnog organa.

Veteranom, u smislu ovog Zakona, smatra se lice koje je stupilo u jedinicu iz stava 1. ovog člana od 18.09.1991. do 31.12. 1992. godine i ostalo neprekidno do 23.12.1995. godine, ili ranije demobiliziran od nadležnog vojnog organa.

Učesnikom rata, u smislu ovog Zakona, smatra se svako lice koje je u sastavu Oružanih snaga iz stava 1. ovog člana provelo najmanje jednu godinu dana neprekidno u periodu od 20.06. 1992. godine do 23.12.1995. godine.

Pojmovi i definicije iz ovog člana koriste se i primjenjuju kod reguliranja prava i pogodnosti u svim oblastima i nivoima vlasti koja se tiču branilaca i članova njihovih porodica.

##### Član 3.

Ratni vojni invalid je državljanin Bosne i Hercegovine koji je, vršeći vojne dužnosti, druge dužnosti za ciljeve odbrane u sastavu Oružanih snaga, učestvujući u odbrani Bosne i Hercegovine u periodu i pod uvjetima i okolnostima iz člana 2. ovog Zakona, zadobio ranu, povredu, bolest ili pogoršanje bolesti, pa je zbog toga nastupilo oštećenje njegovog organizma najmanje za 20%.

Ratni vojni invalid je i državljanin Bosne i Hercegovine koji je po naređenju ili nalogu nadležnog vojnog organa ili organa uprave nadležnog za poslove odbrane i državne sigurnosti, pod uvjetima i okolnostima iz prethodnog stava, zadobio ranu, povredu, bolest ili pogoršanje bolesti, pa je zbog toga nastupilo oštećenje njegovog organizma najmanje za 20%.

Ratni vojni invalid je i lice koje je u periodu i pod uvjetima i okolnostima iz st. 1. i 2. ovog člana bilo ratni zarobljenik i zadobilo ranu, povredu, bolest ili pogoršanje bolesti, pa je zbog toga nastupilo oštećenje njegovog organizma najmanje za 20%.

Ratni vojni invalid je i stranac kod koga je nastupilo oštećenje njegovog organizma pod okolnostima i uvjetima iz st. 1., 2. i 3. ovog člana.

Mirnodopski vojni invalid je lice koje je u miru bez namjere, vršeći vojnu dužnost, zadobilo ranu ili povredu, pa je zbog toga nastupilo oštećenje njegovog organizma najmanje za 20%, odnosno kod kojeg je uslijed bolesti ili pogoršanja bolesti nastupilo oštećenje njegovog organizma najmanje za 60% u periodu od 24.12.1996. godine i to:

- vojno lice na služenju obaveznog vojnog roka,
- pitomac u vojnoj školi,
- pripadnik rezervnog sastava za vrijeme vojne dužnosti.

#### Član 4.

Porodica piginulog, umrlog, nestalog branioca je porodica lica koje je piginulo, umrlo, nestalo pod uvjetima i okolnostima iz čl. 2. i 3. ovog Zakona, odnosno umrlog do 23.12.1996. godine od posljedica rane, povrede ili bolesti zadobijene pod uvjetima i okolnostima iz člana 3. ovog Zakona.

Porodica piginulog ili umrlog lica iz člana 3. stav 6. ovog Zakona ostvaruje određena prava pod uvjetima i na način koji važi za porodicu umrlog ratnog vojnog invalida.

#### Član 5.

Propisima iz oblasti odbrane utvrđuje se: ko se smatra pripadnikom Oružanih snaga, vojno lice, vojna služba, vršenje vojne dužnosti za ciljeve odbrane, kao i sva druga pitanja vezana za svojstvo i status pripadnika Oružanih snaga.

#### Član 6.

Ako mirnodopski vojni invalid naknadno ispuni uvjete za sticanje svojstva ratnog vojnog invalida, po osnovu učešća u Oružanim snagama, stiče svojstvo ratnog vojnog invalida, a invaliditet mu se utvrđuje prema ukupnom oštećenju organizma po oba osnova.

## II - PRAVA DEMOBILIZIRANIH BRANILACA

#### Član 7.

Branioci i članovi njihovih porodica ostvaruju druga prava u skladu sa federalnim i kantonalnim propisima koja nisu obuhvaćena ovim Zakonom i to:

1. novčanu naknadu za vrijeme nezaposlenosti;
2. prednost pri zapošljavanju pod jednakim uvjetima;
3. prednost pri zakupu i otkupu poslovnog prostora pod jednakim uvjetima;
4. prednost pri upisu u obrazovne ustanove pod jednakim uvjetima;
5. besplatne obavezne učbenike za redovno školovanje;
6. prednost pri dodjeli stipendija i smještaju u đačke i studentske domove;
7. zdravstvenu zaštitu;
8. prioritetno pravo za rješavanje stambenog pitanja pod jednakim uvjetima;
9. pomoć u slučaju smrti;
10. prednost pri korištenju programa nadležnih zavoda za zapošljavanje;
11. oslobođanje od plaćanja, naknade troškova korištenja građevinskog zemljišta;

12. ostvarivanje penzije pod povoljnijim uvjetima;
13. druga prava u skladu sa posebnim propisima.

Prava utvrđena ovim članom regulirat će se u skladu sa odredbama čl. od 26. do 31. ovog Zakona.

### III - PRAVA RATNIH VOJNIH INVALIDA

#### Član 8.

Prava ratnog vojnog invalida su:

1. lična invalidnina;
2. dodatak za njegu i pomoć od drugog lica;
3. ortopedski dodatak;
4. druga prava iz glave VI ovog Zakona.

#### 1. Lična invalidnina

#### Član 9.

Radi ostvarivanja prava, prema ovom Zakonu, ratni vojni invalidi razvrstavaju se u grupe vojnog invaliditeta prema stepenu oštećenja organizma izraženog u procentu.

Procent invaliditeta određuje se srazmjerno oštećenju organizma koje je nastalo kao posljedica rane, povrede ili bolesti zadobijene pod okolnostima utvrđenim ovim Zakonom ili su te okolnosti uticale na pogoršanje bolesti.

Svojstvo ratnog vojnog invalida može se steći samo na osnovu oštećenja organizma koje je nastalo uslijed rane ili povrede zadobijene pod okolnostima iz člana 3. ovog Zakona koja je ostavila vidne tragove.

Pod vidnim tragovima, u smislu stava 3. ovog člana, podrazumijevaju se jasno vidljivi tragovi na površini tijela, i vidljiva oštećenja unutrašnjih organa utvrđena odgovarajućim dijagnostičkim metodama.

Za određivanje procenta invaliditeta uzimaju se u obzir i oštećenja organizma nastala uslijed: upotrebe standardnih lijekova; operacija i drugih terapeutskih poduhvata radi liječenja od rane, povrede i bolesti zadobijenih pod okolnostima predviđenim ovim Zakonom i nošenja ortopedskih pomagala; okolnosti pod kojima je kod ratnog vojnog invalida nastupilo oštećenje organizma uslijed psihosomatskih oštećenja i poremećaja i manifestiralo se do 23.12.1997. godine; gubitka ili teškog oštećenja parnog organa, ako je drugi parni organ izgubljen ili teško oštećen uslijed posljedica rane, povrede ili bolesti zadobijene pod okolnostima utvrđenim ovim Zakonom.

### Član 29.

Kantoni svojim propisima osiguravaju prioritetno rješavanje stambenih pitanja pripadnika branilačke populacije u skladu sa važećim propisima.

Stambeno zbrinjavanje i pomoć u stambenom zbrinjavanju branilačke populacije vrši se po pravu prvenstva kako sljedi:

1. djeci poginulih, umrlih, nestalih branilaca bez oba roditelja i ratnim vojnim invalidima sa oštećenjem organizma od 100% I grupe;
2. porodicama sa dva i više poginulih, umrlih, nestalih branilaca i ratnim vojnim invalidima sa oštećenjem organizma od 100% II grupe;
3. porodicama poginulih, umrlih, nestalih branilaca i ratnim vojnim invalidima sa oštećenjem organizma od 90%, 80% i 70%;
4. ostalim ratnim vojnim invalidima;
5. demobiliziranim braniocima.

### Član 30.

Kantonalni organi svojim propisima osiguravaju i druga dopunska prava u skladu sa odredbom člana 7. ovog Zakona, prvenstveno za najugroženije kategorije.

#### **1. Prava iz oblasti penzijskog i invalidskog osiguranja**

### Član 31.

Ratni vojni invalidi, članovi porodice poginulih, umrlih, nestalih branilaca, ratnih vojnih invalida i demobilizirani branioci pod povoljnijim uvjetima mogu ostvariti pravo na penziju i dodatak na penziju u skladu sa propisima iz oblasti penzijsko-invalidskog osiguranja.